

**Titenani Dieter F. Uchtdorf**  
na **ohwerese**

Fotufod a Dɔ so Mmienu wo  
Atitenafod a Wodi Kan no mu



# Fa Kristo Dɔ hye Wiase ma

**S**ε yɛdwene Buronya ho a, yɛtaa dwene akyɛdeɛ a yɛde ma ene deɛ yɛnya. Akyɛdeɛ bɛtumi ayɛ amam-merɛ fa bi a esom bo, na ebɛtumi nso atwe yɛn afiri mudie a εwo afenhyiada no ho na atwintware yɛn akwan mu afiri sedɛɛ yɛbɛdi yɛn Agyenkwa awoda no ho ahurisie wo nteaseɛ kwan so.

Menim firi me ara me suahunu mu sɛ Buronya ahodoɔ a yɛkaɛ paa bɛtumi ayɛ deɛ yɛdii no ahobɛaseɛ mu. Me mmɔfraseɛ mu akyɛdeɛ yɛ ketewa koraa, sɛ wohwe εnne yi deɛ a. Eto da bi a na menya atadeɛ a atete na wɔapɛmpam anaa ntoma a yɛde hyehyɛ yɛn nan ne yɛn nsa. Mekae Buronya bi a me nuabarima maa me dua sekamma a ɔno ara asene.

Enyɛ akyɛdeɛ a ne boɔ yɛ den na εkyerɛ sɛ woadi Buronya. Mekae abasɛm bi a elda Glen L. Rudd a na ɔka Aduɔson Kuo no ho firi 1987 kɔsi 1992 kaɛɛ. Aka da koro na yɛadi Buronya mfɛɛ bi a atwam no, berɛ a na ɔrehwe hwɛsofoɔ korabea so no, ɔsuaa biribi firii asɔre panin bi ho a εfa abusua bi a na wohia mmoa a na wɔbaa kuro no mu nkyɛrɛɛ no ho. Berɛ a ɔkɔsraa wɔn wɔ wɔn fie ketewa bi mu no, ɔhunuu abaayewa bi a ɔnni kunu, ne mmɔfra nan a wɔn mu biara nnii mfɛɛ du.

Na ahia wɔn ara ma maame no nntumi ntɔ adeɛ anaa akyɛdeɛ biara mma ne mma no saa Buronya— no, na ɔnntumi mpo nntɔ dua. Onuabarima Rudd ne abusua no kasaeɛ na ɔhunuu sɛ mmaayewa baasa no ani bɛgye abɔduaba anaa ntoma a wɔde ayɛ aboa ho. ɔbisaa mfɛɛ nsia

abarimaa no deɛ ɔpɛ no, abɔfra ketewa a εkɔm de no no buaa sɛ, “Menya oat aduane a mɛpɛ”

Onuabarima Rudd hyɛɛ abarimaa ketewa no bɔ sɛ ɔbɛma no oat aduane, na ebia ɔde biribi foforo mpo beka ho. Na ɔkɔɔ ɔhwɛsofoɔ koradan mu kɔfaa aduane ne nneɛma nkaɛɛ a na abusua no hia no animanim ho ara.

Saa anɔpa no ara na Nna a εdi Akyire ɔhoteni yamyɛni bi ama no Amerika Dɔla aduonum sɛ “ɔmfa mma obi a ɔhia.” Onuabarima Rudd faa ne mma no mu baasa na wɔde sika no kɔdii Buronya dwa—, na ne mma no yiyii mmoduaba maa mmɔfra a na wohia no.

Rudd ne n’abusua sesaa aduane, ntoma, akyɛdeɛ, Buronya dua, ne afɛfɛdeɛ bi guu kaa mu de kɔmaa abusua no wɔ wɔn fie. Wɔduruu ho no wɔboaa maame no ne ne mma no ma wɔsɛɛ dua no. Afei wɔde akyɛdeɛ sensɛnee dua no ase na wɔmaa abarimaa ketewa no oat aduane.

Maame no suui, mmɔfra no dɛɛ ahurisie, na wɔn nyinaa too Buronya dwom. Saa anadwo no Rudd abusua hyiaa sɛ wɔrebɛdidi no, wɔdaa ase sɛ wɔatumi de Buronya anigyɛɛ abɛɛ abusua foforo na wɔaboa ma abarimaa ketewa bi anya oat aduane adi.<sup>1</sup>

## **Kristo ene ɔma-Honhom**

Dwene kwan kumaa bi a esom boɔ yie, a yɛn Soro Agya faa so hoahoa Ne Ba no awoɔ no ho. Wɔ saa anadwo kronkron no, abɔfoɔ anyi wɔn ho ankyerɛ asikafoɔ na mmom nnwanhwɛfoɔ. Wɔanwo abɔfra Kristo no wɔ

aboronsan mu na mmom mmoa adidi daka mu. Wɔkye-kyeree no wɔ nwera mu na ennye sirikyɛ ntoma mu.

Ahobreasee a ɛwɔ saa Buronya a ɛdi kan no ho kyeree Agyenkwa no abrabo. Ɛwom sɛ Ɔboɔ asaase, ɔnanteɛ kɛseyɛ ne animuonyam mu, na ɔtenaa Agya no nifa so deɛ, nanso ɔbaa asaase so sɛ abofra a ɔnni hwɛfoɔ. Na N'abrabo yɛ ahobreaseɛ animuonyam ho nhwesoɔ, na ɔne ahiafoɔ, ayarefoɔ, wɔn a wɔayɛ wɔn totwene ne wɔn a wɔso nnesoa nanteɛɛ.

Ɛwom sɛ na ɔyɛ ɔhene deɛ, nanso Wanhwe nnipa ahohohoa ne ahonya. N'abrabo, Ne nsem, ne Ne daadaa dwumadie nyinaa yɛ ahobreaseɛ a ɛyɛ mudie ho adansedie.

Yesu, Kristo no, a na Onim kwan teneneɛ a wɔnam so ma no, kyeree yɛn kwan a wɔfa so ma. Wɔn a wɔnni obiara na awerɛhoɔ ahyɛ wɔn akoma ma no, ɔhunu wɔn mmɔbo kyekyere wɔn werɛ. Wɔn a yadeɛ ne ɔyaw adokoro wɔn wedeɛ ne wɔn adwene no, ɔma wɔn ɔdo ne ayaresa. Wɔn a ɔbɔne ahyɛ wɔn kra so no, ɔma wɔn awerɛkyekyere, ɔbɔnefiri, ne ɔgyeɛ.

Sɛ anka Agyenkwa no wɔ yɛn ntam enne a, anka yɛ-ɛɛhunu No wɔ mmea a na ɔtaa wɔ a —ɔreka nsempano kyere wɔn a wɔdwoɔ, wɔn a wɔn akoma aboto, ahobreasefoɔ, wɔn a wɔnni anigyee, ne wɔn a ahia wɔn honhom mu. Wɔ saa Buronya bere yi ne deɛ ɛɛba biara, yɛnkyere No ɔdo sɛdeɛ ɔno nso do no. Yɛnkaɛ ahobreaseɛ ne mudie a ɛfa N'awoo, akyɛdeɛ, ne N'abrabo ho. Na yɛmfa ayamyie, adɔɛɛ, ne ahumɔborɔ kwan so mfa Ne do ne n'ayaresa tumi ho kanea nhyɛ wiase ma.

#### ATWERE

1. Hwɛ Glen L. Rudd, *Nyamesom Korɔgyeen: Asɔre Yiedie ho Abasem firi afe 1930* (1995), 352–53; san hwɛ Glen L. Rudd, “Oat aduane,” *Asɔre Kaseɛ*, ɔpenimaa 2, 2006, 16.

#### NKRAKNSEM YI MU NKYEREKYERE

Titenani Uchtdorf kyerekyere sɛ yɛmfa Agyenkwa no ɔma nhyehyee kwan so. Dwene ho na bisa nkorɔfoɔ a wosra wɔn no ma obiara nka akyɛdeɛ baako a Agyenkwa no de akyɛ wɔn, na wo ne wɔn nsusu sɛdeɛ wɔbetumi de saa akyɛdeɛ no asom afoforɔ. Nhwesoɔ ne

sɛ, sɛ wɔde dwom-kyere ahyira obi a, ɔbetumi akyere ayɔnkofɔ no bi. Wobetumi ne wɔn a wosra wɔn no abu nkotodwe abɔ mpaɛɛ, asɛ nkanyan afa akyɛdeɛ ko a monkyɛ, sɛdeɛ monkyɛ no, ɛne wɔn a mo ne wɔn nkyɛ. Di nkanyan biara a wobɛnya no so.

## MMABUNU

### Sua firi Afoforo Suahunu mu

Titenani Uchtdorf kyerekyere sɛ “Buronya a yɛkaɛ pa ara ne deɛ wɔdi no ahobreaseɛ so,” na ɔkasa firi ɔno ara ne suahunu mu. Yɛbetumi asua pii afiri mpanimfoɔ ho; wɔn a wɔn ani afiri bebree afa ako bere, adwuma a enni ho, yadeɛ anaa nsɔhwe ahodoɔ mu. Bisa mpanimfoɔ a wɔwɔ wo ward anaa nkorabata mu ma wɔnkyere wo wɔn Buronya a ɛsom bo. Wobetumi atwere wɔn nsem no ato ho. Ɔn mmɔden sua biribi firi wɔn nhwesoɔ mu na Buronya yi mu ma w'adwene nka ɔsom pa a wobɛma na woakae Agyenkwa no.

## MMA

### Akyɛdeɛ a ɛfiri Yesu Kristo

Ɛbinom de Buronya dua na ɛgye wɔn ani wɔ Yesu Kristo awoda. Ɛto da a, nkorɔfoɔ de akyɛdeɛ gu dua no ase ma afoforɔ. Akyɛdeɛ ben na Agyenkwa no de ama wo? Yɛ wo ara wo Buronya dua mfonɛ na fa akyɛdeɛ nnum gu aseɛ. Kenkan twerɛnsem a ɛwɔ aseɛ yi na fa ahosuo baako yɛ akyɛdeɛ ma twerɛsem no mu biara. Wobetumi ama Yesu akyɛdeɛ bere a wohwehwe kwan aboa afoforɔ.

Nnwom 33:6

Yohane 14:27

Yohane 15:9

2 Nifae 2:8

3 Nifae 15:9



# Yesu Kristo--Asomdwoeε Hene— Som Adwuma Kronkron.

Gyedia, Abusua, Ɔgyee

*Fa mpaebɔ sua saa nsem yi na pere hwehwe dee wobeka ho asem. Kwan ben so na se wote Agyenkwa no abrabɔ ne botae no ase a wo gyedia a wowɔ wɔ ne mu no benyini, na ahyira wɔn a wonam nsrahwε nkyerekyere so hwe wɔn so no? Se worepe mu nsem bio a, kɔ [reliefsociety.lds.org](http://reliefsociety.lds.org) [reliefsociety.lds.org](http://reliefsociety.lds.org).*

*Wei ka nsrahwε Nkyerekyere Nsem ahodoɔ a efa Agyenkwa ne som adwuma ho.*

**"A**gyenkwa no ne asomdwoeε amapa farebae," Elda Quentin L. Cook a ɔka Dummienu Kuo No ho na ɔkaeε. "Wiase nsɔhwe mu mpo no, esiane Agyenkwa no Mpata ne N'adom nti, tene-nee abrabɔ de asomdwoeε bebre nnipa."<sup>1</sup> Se yete aseε se Yesu Kristo ne Asomdwoeε Hene a, ebeboa yen ma yeanya asomdwoeε wɔ yen mu, na ama yen gyedia wɔ Ne mu anyini.

Yesu Kristo kaa se: "Yeinom na maka mo, na moanya me mu asomdwoeε. Mo ho behiahia mo wi yi ase dee: nanso momma mo bo nto mo yam; Madi wiase so nkonim" Yohane 16:33. Ɔredi saa nokware no ho adanseε no, Linda S. Reeves a ɔye fotufoɔ a ɔtɔ so mmienɔ wɔ Relief Society amansan atitenafɔɔ mu no, kaa se: Awurade ahu me mmɔbɔ na waboa me ama m'adesoa

mu aye hare. Waboa me ama manya asomdwoeε kesee."<sup>2</sup>

Elda Richard G Scott a ɔka Dummienu Kuo No ho kyerεε se: "bea pa a. . .asomdwoeε wɔ ene yen ankasa afie mu, baabi a yeaye dee yebɛtumi biara ato Awurade Yesu Kristo fapem."<sup>3</sup>

### ***Twerεsem Afoforo***

Yesaia 9:6; Luka 2:14; Yohane 14:27; 1 Nifae 13:37; Nkyerekyere ne Apam 59:23

### ***Wɔ Twerεsem no mu***

Yesaia hyεε Yesu Kristo, Aso-  
mdwoeε Hene no awoɔ ho nkɔm  
(Yesaia 9:6). Samuel a ɔye Laman  
aseni no kaa nsenkyerεne a ebefa  
Kristo awoɔ ho mfeε num akyi wɔ  
Amerika man no mu (hwe Hela-  
man 14:3, 5) Bere a nkɔmhyε da no  
reben no, annye-annifoɔ hunahunaa  
Akristofɔɔ no se, se nsenkyerεneε  
no amma mu a wɔbɛkunkum wɔn.

Nkomhyeni Nifae "suu denden kyerεε Awurade saa da mu no nyinaa; na hwe, awurade nne baa ne nkyen, se: . . .εkyena Mεba wiase" (3 Nifae 1:12–13). Nsenkyerεneε no pueεε, na Kristo awoɔ no baa mu no, "nkɔrɔfoɔ no san nyaa asomdwoeε wɔ asaase no so" (nkyekyεmu 23)

Maria "woo n'abakan ɔbarima, na ɔde ntoma kyekyeree no, na ɔde no too mmoa adididaka mu," wɔ Betlehem (Luka 2:7).

### **ATWERE**

1. Quentin L. Cook, "Ankorε-ankorε Aso-  
mdwoeε: Teneneε Ho Akatua," *Liahona*,  
Kɔtɔnimaa 2013, 35.
2. Linda S. Reeves, "Gye Woapam Ho Nhyira,"  
*Liahona*, Obubuo 2013, 120
3. Richard G. Scott, "Etiε Asomdwoeε Nti,"  
*Liahona*, Kɔtɔnimaa 2013, 29

### ***Dwene Wei ho***

Akwan hodoɔ ben so na Agyenkwa no de asomdwoeε ba w'abrabɔ mu?